

Lthgölthk gish ga giat gish ga nak-shimyaönsh ga gutgiat ga, dilt düm wil goiduksh gish ga shpagait sha gish ga lakäga.

65 Ada wilt bëagult ga manpriest ga na washgut ga, ash ga houit ga, Ltha laga-al giak dit: gau gun gik hashagum da dum magaunsh ga dit? Nī ltha naknōi shim laga-algiak dit:

66 Gau haligagaud shimt? Ada dilamak gut ga, ada houit ga, Tfu-lām da dum zaqusha dit.

67 Adat wil lūkpūkh ga zält ga adat n'ndösht ga; ada nagazäout ga t'in dhäat gish ga ga'anout ga,

68 Ash ga houit ga, Gwildum malsh gun ā gum, Christ: Nā da güt in yezint?

69 Wai al dhā gut Peter gish ga tkagililgut ga: ada goiduksh ga gault ga shūbashum hanāk gish niat, ash ga houit ga, Dish nūgun na hoksh ga dash Jesus ā giat Galileet.

70 Ada alt kshānakt gish ga haza-zäklthk gish ga tkāniat ga, ash ga houit ga, Althga na wilai gau hou'unt.

71 Ada lthat kshagaush ga zilum lukshauk ga, adat nishit ga gik gault ga shūbashum hanāk ga, ada houit gish ga hūwält gut, Nā dī hokshk ga yōta 'gwai ash Jesus ā giat Nazarethit.

72 Adat gik kshānakt gish ga sweart ga, Althga na wilai yōta na hou'unt.

73 Ltha ām shganukt ga ada gutgoiduksh ga na gwummakshk gut ga ada houit gish Peter, Shimhou gaul da dish dupniadit nūgun: āwil na algiagun t'in alūdā'an dit.

74 Ada wil hūqush gut lagadälakt ga dilt sweart ga, ash ga houit ga, Althga na wilai yōta na hou shimt. Whahiyāt ga da algiak ga zōuz ga.

75 Adat a'abugut gut Peter ga na algiaksh Jesus ga, gū na houit gish niat, Hawalthk ga algiaga zōuzut, ada gwili ma dum kshānagout. Ada wil kshū'ut ga, ada shim zūsh ga wihouit gut ga.

CHAPTER XXVII.

1 Ltha guulthāga, ada wil shagait lishāoushk gish ga tkānīsh ga manpriests ga dilt n'tashilgiatk gish ga giat ga, ash ga dūmt wila zagwush Jesus ga:

2 Ada lthat didakltht ga; ada wilt dēuntk gut ga, adat ginamtk gish Pilate ga governor ga.

3 Ada lthat nishit gut Judas ga gū nā t'in wā'adit ga, wil tkulmakshish ga dum wila wilūqushit ga, ada gelukshaitikshit ga, adat hazukshum dagutgoiduksh ga gwilit ga wil giapsh gabiēm dāla ga ash ga manpriests ga dilt tashilgiat ga,

4 Ash ga houit ga, Ltha hadak güt a na wil wā'ada whati hadagum ilthēut, Ada houit ga, Ligi gau da guma? lip nūgun in nishit.

5 Ada wilt tkaksh guliamuksh ga gwilit wil giapsh ga gabiēm dāla gish ga zum temple ga, ada wilt qudakshit ga; ada doultht ga, ada lip geluksh gulth-hou'ut gut ga.

6 Ada wilt dokt ga manpriests ga gabiēm dāla ga, ada houit ga, Althga hoigialth dūm lūdalthk ga da zum n'ta ā'amwält, āwil na giuksha ilthēut dit.

7 Ada wil lishāoushk gut ga, ada nīnīsh gut giuksh ga na zāzūkshk gish ga huksha-naulthit ga, ash ga dum wil wāwokshish ga lukzipzap ga.

8 Nīnīsh ga gun shūwāt k gish ga zāzūksh gulth lakiyobum ilthē, wagait hahou dit giacn.